

亥21
46(3)-8
3.

長沙方歌括下



長沙方歌括卷五

苗長樂陳念祖脩園著

長男

蔚古愚擬註

次男元犀靈石叅評

孫男心耕全校字

陽明方

猪苓湯

治渴欲飲水小便不利脈浮發熱者生之



猪苓 一兩

茯苓 一兩

澤瀉 一兩

滑石 一兩

阿膠 一兩

右五味以水四升先煮四味取二升去滓內
阿膠烱消溫服七合日三服

歌曰澤瀉猪茯苓相連眩嘔心煩渴不眠煮好

去渣膠後入育陰利水法兼全

述此湯與五苓之用有天淵之別五苓散治
太陽入本太陽司寒水故加桂以溫之是煖



腎以行水也。此湯治陽明少陰結熱二經兩
關津液。惟取滋陰以行水。蓋傷寒表證最忌
亡陽而裏熱。又患亡陰亡陰者亡腎中之陰。
與胃之津液也。若過於滲利。則津液反致耗
竭。方中阿膠。卽從利水中育陰。是滋養無形
以行有形也。故仲景云。汗多胃燥。雖渴而裏
無熱者。不可與也。

蜜煎導方

治陽明病自汗出若發汗小便自利者此
爲津液內竭而大便雖鞭不可攻之當須自
欲大便宜蜜煎導而通之若土瓜根及
猪膽汁皆可爲導也

內臺方
原文

蜜

七合

一味於銅器內微火煎之稍凝如飴狀攪之
勿令焦著欲可丸併手捻作挺令頭銳大如
指長二寸許富熱時急作冷則鞭以內穀道



中以手急抱欲大便時乃去之

著字正韻直略切

猪膽汁方

大猪膽一枚瀉汁和醋少許以灌穀道中如

一食頃當大便出宿食惡物甚效

原本無宿食一句

本增之必

有所據

日蜜煎熟後樣如飴溫納肛門法本奇更有

醋調膽汁灌外通二法審誰宜

煎按津液內竭便雖鞭而不宜攻取蜜之甘

潤導大腸之氣下行。若熱結於下。取猪爲水。畜以制火。膽爲甲木。以制土。引以苦酒。收先收而後故。其力始大。其宿食等有形之物。一下而無形之熱亦蕩滌無餘矣。

按內臺方云。將蜜於銅器內。微火煎之。稍凝以飴狀攪之。勿令焦。滴水中。堅凝可用。蘸皂屎。捻作挺。以猪膽汁或油潤穀道內之。少欲大便。乃去之。又猪膽汁方。以猪膽汁二



枚以小竹管插入膽口留一截用油潤內入
穀道中以手將膽捻之其汁自內出一食頃
當大便下又用土瓜根削如指狀蘸豬膽汁
內人穀道中亦可用

茵陳蒿湯

治陽明病發熱汗出此爲熱越不能發黃也
但頭汗出身無汗劑頸而還小便不利渴欲
飲水漿者此爲瘀熱在裡身必發黃此方主

之

又傷寒七八日身黃如橘子色小便不利腹微滿者此方主之

茵陳蒿六兩

梔子

十四

大黃

二兩
去皮

右三味以水一斗先煮茵陳減六升內二味

煎取三升去滓分溫三服小便當利尿如皂

角汁狀色正赤一宿腹減黃從小便去也

歌二兩大黃十四梔茵陳六兩早煎宜身黃

衆短腹微滿。解自前陰法最奇。

柯韻伯曰：太陽陽明俱有發黃證，但頭汗出

而身無汗，則熱不得外越，小便不利，則熱不

得下利，故瘀熱在裏而發黃。按太陽之發黃，乃太陽之標陽

下合太陰之濕氣。陽明之發黃，亦陽明之燥

熱。內合太陰之濕化。若止病本氣，不合太陰

則不發黃。故曰太陰者，身當發黃。若小便

自利者，不能發黃也。張令韶之說最妙。然

裏有不同。肌肉是太陽之裏，當汗而發之，故

用麻黃連軀赤小豆湯。按柯韻伯移此方於

太陽篇，亦有見解。然

原本係是陽明聖

經必不可擅改

心胸是太陽之裏陽明之

表當寒以勝之故用梔子蘗皮湯乃清火法

腸胃是陽明之裏當瀉之於內故立木方是

逐穢法茵陳稟北方之色經冬不凋傲霜凌

雪偏受大寒之氣故能除熱邪留結率梔子

以通水源大黃以調胃實令一身內外瘀熱

悉從小便而出腹滿自減腸胃無傷乃合引

而竭之之法此陽明利水之聖劑也又按仲

景治陽明渴飲有三法。太陽篇之五苓散。微發汗以散水氣者。不與焉。若大渴煩躁。小便不利者。白虎湯加參。清火而生津。脈浮發熱。小便不利者。猪苓湯。滋陰以利水。若小便不利而發黃腹滿者。茵陳湯以泄熱。令黃從小便出。病情治法。胸有成竹矣。竊思仲景利小便。必用氣化之品。通大便。必用承氣之品。以小便由於氣化也。茲小便不利。不用二苓者。

何本論云。陽明病。汗出多而渴者。不可與豬
苓湯。以汗多。胃中燥。豬苓湯復利。小便數也。
須知陽明汗出多而渴者。不可用。則汗不出
而渴者。津液先虛。更不可用。明矣。此主以推
陳致新之茵陳。佐以屈曲下行之梔子。不用
枳朴。以承氣與芒硝之峻利。則大黃但能潤
腸泄熱。緩緩而行。故必一宿而腹始減。黃從
小便去。而不由大腸去。仲景立法之奇。匪彛

所思耳。

麻仁丸

治跌陽脈浮而濇浮則胃氣強濇則小便利
浮濇相搏大便則難其脾為約此方主

麻仁 二升

芍藥 半觔

枳實 牛觔

大黃 一觔
去脂

厚朴 一尺去
皮炙

杏仁 一升去皮
尖熬研作

右六味為末燂蜜為丸如梧桐子大飲服十



丸漸加以知爲度

歌一升杏子二升麻枳芍半觔效可誇黃朴

一觔丸飲下緩通脾約是專家一本厚樸是一觔

男元犀按脾爲胃行其津液也今胃熱而津

液枯脾無所行而爲窮約故取麻仁杏仁多

脂之物以潤燥大黃芍藥苦泄之藥以破結

枳實厚朴順氣之藥以行滯以蜜爲丸者治

在脾而取緩欲脾不下泄其津液而小便數

已還津液於胃中。云大便難已也。

煎

按古今權量尺斗不同。攷之內臺方。麻仁

四兩。杏仁六兩。芍藥枳實各三兩。厚朴三兩。

大黃八兩。蜜九如梧桐子大。熟水下五升。

梔子蘗皮湯

治傷寒身發黃發熱

梔子

十五枚

甘草

一兩

黃蘗

二兩

右三味以水四升者。取一升半。去滓分溫再

服

歌裏鬱業經向外驅身黃發熱四言規

之外無草須一兩二黃蘗十五枚梔不

麻黃連軹赤小豆湯

治傷寒瘰熱在裏身必發黃此湯主之

麻黃

二兩去節

連軹

二兩

赤小豆

一升

甘草

二兩

生梓白皮

一斤一本二斤內臺三兩

杏仁

四十枚去皮尖

大棗

十二枚

生薑

二兩



南京中医药大学图书馆